

華資工廠調查錄

(專訪梅)

(七十三) 和平製藥有限公司

和平製藥公司、十七年前始發祥於廣州、因營業上之需求、遂以開廠於本港西環吉甯街、蓋已六年於茲矣、資本註冊為二十一萬元、

▲出品 該公司雖名製

藥公司、然因時尚所趨、故兼營化妝品事業出品、除各種膏丹丸散外、復有花露水香髮膠梅花霜等、頗為膾炙人口、

▲銷場 該公司出品

之銷場、多以南洋馬來群島廣州灣菲律賓澳門等地為主、而本港流銷亦復不少也、

▲營業 營業狀況、

據該公司負責人語記者謂

、最盛時年中約有十萬元、近則因世界不景氣、人民購買力薄弱、化妝品又非日常必需之貨、故頗見退步、以本港之廠而言、現每年約做生意五萬元、省港合計則最旺時、每年曾有六十餘萬元之生產云、

▲工人 該公司既有女

工三十餘人、男工十餘、女工每人每日工值三四毫不等、男工則為僱工式、每月自六七元至三十元、

▲概況 談及本業之前

途、據負責人言、近年生意退步之原因、一因受不景氣之影響、而各細小家庭式之工業推銷、亦頗

為該業之障礙、就以化妝品而言、彼以二三工人租房一間、便可從事製造、其原料之高低化煉方法之是否得宜、社會上雖非不能察別、然因其索價之廉、在平日經濟危機之中、亦每為人所購用、因而大工廠所出之貨、反以其價目之高而不受人歡迎、其次則為放賬問題、以近年不景氣瀰漫之商場、稍謹慎者實不敢放賬、不放賬則生意當然退步、理有固然者、然吾人實寧願忍痛須臾、以觀後效、亦不肯因貪做生意而致蒙枯數之損失云、